

# Powšitkowne WOZJEWJENJA

njedźelu, 25. januara 2014

## „Dobre činić, wjesoly być a wroblkam fifolić dać“

Pod hesłom swjateho Jana Boska „Dobre činić, wjesoly być a wroblkam fifolić dać“ přeprašuje Dekanatne dušepastyrstwo džěci 3. a 4. lětnika sobotu, 31. januara, wot 9 do 15 hodź. na zhromadny dzeń do Don Boskoweho domu we Worklecach. Zajimcy njech so prošu hač do pónđzele, 26. januara, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźelnika přinošk, kotryž wučinja štyri eura.

## Mandželske seminary

Lětuše terminy mandželskich seminarow w Smochčanskim Domje biskopa Bena su 20./21. februara, 13./14. měrc a 27./28. nowembra. Přizjewić měli so zajimcy pisomnje hač do pónđzele, 26. januara, pola Dekanatneho dušepastyrstwa, Młynski puć 4, we 01920 Worklecach. Formularj k tomu móža sej w cyrkwjach sobu wzać.

## Tydzeń za džědow a wowki ze swojimi wnučkami

„Tak pisane je naše žiwjenje!“ rěka hesło tydženja za džědow a wowki ze swojimi wnučkami, na kotryž přeprašuje Dom biskopa Bena w Smochćicach a kotryž budže wot pónđzele do pjatka, 16. do 20. februara. Nimo tematiskeho džěla a wulětow změja džědojo a wowki dosć chwile za zhromadnu zaběru ze swojimi wnučkami. Přizjewić móža so zajimcy w Smochčanskim Domje biskopa Bena pod telefonowym čisłom (03 59 35) 2 23 16. Tam dóstanu tež nadrobniše informacije.

## Pytaja hojenskeho hladarja a kublarja

Dom swjateho Jana w Smječkecach pyta sobudžělaćerja z kwalifikaciju hojenskeho hladarja a kublarja (Heilerziehungspfleger) abo chorobnu sotru respektiwne hladarja z wolu, žadanu kwalifikaciju nachwatać. W Janskich kupjelach bydla duchownje zbrašeni ludžo, kotrychž tam zastaruja a spěchuja. Pisomne požadanje njech pósćelu zajimowani na adresu: Christliches Sozialwerk gGmbH; Janska kupjel 1, 01920 Worklecy.

## Komedija w Haslowje a Chróšćicach

Dalšej předstajeni komedije „Jedyn Šwjerčik přińdže zrědka sam“ budžetej tutu njedźelu, 25. januara, w Haslowje a posledni raz njedźelu, 1. februara, na Krawčikec žurli w Chróšćicach, stajnje w 16 hodź. Hrajerjo Chróšćanskeje dźiwadłoweje skupiny wšitkich wutrobnje přeprašuja.

## Popowe a rockowe melodije zaklinča

Chór Lipa a skupinje Wólbernosće a Poštyrjoch zanjese sobotu, 31. januara, w 19.30 hodź. na Bizoldec žurli w Haslowje popowe a rockowe melodije. Zastupne lisiki w předpředani dóstanu zajimcy w Haslowje a pola Chróšćanskeho časnikarja. Koncertej přizamknu so reje ze skupinu Con-takt.